


十三經註

卷一
4679
45



汲
21
竹

東學

門 12
卷

春秋左傳註卷第十二 十四年 十六年 盡

晉 杜預 註

經六年春王正月

夏公會齊侯宋公陳侯衛侯曹伯伐鄭圍新

城

新城鄭新密今滎陽密縣

秋楚人圍許

楚子不親圍以圍者告

春秋左傳 卷十二 僖公 一

所錢支
有拘那

諸侯遂救許

皆伐鄭之諸侯故不復更敘

冬公至自伐鄭

無傳

僖六年春晉侯使賈華伐屈夷吾不能守盟而行

賈華晉大夫非不欲校力不能守言不如重耳之賢

不弒狄卻芮曰後出同走罪也卻去逆反

嫌與重耳同謀而相隨

不如之梁梁近秦而幸焉乃之梁

以梁為秦所親幸秦既大國且穆姬在焉故欲因以求入

夏諸侯伐鄭以其逃首止之名故也圍新密鄭所以不時城也

首止盟在五年實新密而經言新城者鄭

以非時與土功齊桓聲其罪以告諸侯

秋楚子圍許以救鄭諸侯救許乃還

冬蔡穆侯將許僖公以見楚子於武城許男

面縛銜璧大夫衰絰士輿櫬楚子問諸逢伯

對曰昔武王克殷微子啓如是武王親釋其

縛受其璧而祓之焚其櫬禮而命之使復其

所楚子從之

見賢遍反衰七雷反絰直結反櫬初覲反祓芳弗反

楚子退舍武城猶有忿志而諸侯各罷兵

故蔡將許君歸楚武城楚地在南陽宛縣

北面縛銜璧謂縛手於後唯見其面以璧

為質手縛故銜之櫬棺也將受死故衰絰

逢伯楚大夫微子啓紂庶兄宋之祖也祓

除凶之禮

經七年春齊人伐鄭

夏小邾子來朝

無傳邾犁來始得王命而來朝也邾之別

封故曰小邾

鄭殺其大夫申侯

申侯鄭卿專利而不厭故稱名以殺罪之也例在文六年

秋七月公會齊侯宋公陳世子款鄭世子

盟于甯母

母如字又音無

高平方與縣東有泥母亭音如甯

曾伯班卒

無傳五年同盟于首止

公子友如齊

無傳罷盟而聘謝不敏也

冬葬曹昭公

無傳

傳七年春齊人伐鄭孔叔言於鄭伯曰諺有之曰心則不競何憚於病既不能彊又不能弱所以斃也國危矣請下齊以救國公曰吾

春秋左傳

卷十二

僖公

四

曾伯班

知其所由來矣姑少待我對曰朝不及夕何以待君

競強也憚難也姑少待欲以申侯說

夏鄭殺申侯以說于齊且用陳轅濤塗之譖也初申侯申出也有寵於楚文王文王將死與之璧使行曰唯我知女女專利而不厭予取予求不女疵瑕也後之人將求多於女女不免我死女必速行無適小國將不女容

焉既葬出奔鄭又有寵於厲公子文聞其死也曰古人有言曰知臣莫若君弗可改也已

濤塗譖在五年申出姊妹之子爲出予取

予求謂從我取從我求不以女爲罪豐後之人謂嗣君也求多以禮義大望責之小

國不女容謂政狹法峻

秋盟于甯母謀鄭故也管仲言於齊侯曰臣聞之招攜以禮懷遠以德德禮不易無人不

春秋左傳

卷十二

僖公

五

管仲

春秋
懷齊侯修禮於諸侯諸侯官受方物鄭伯使
大子華聽命於會言於齊侯曰洩氏孔氏子
人氏三族實違君命若君去之以爲成我以
鄭爲內臣君亦無所不利焉齊侯將許之管
仲曰君以禮與信屬諸侯而以姦終之無乃
不可乎子父不奸之謂禮守命共時之謂信
違此二者姦莫大焉公曰諸侯有討於鄭未
捷今苟有釁從之不亦可乎對曰君若緩之

以德加之以訓辭而帥諸侯以討鄭鄭將覆
亡之不暇豈敢不懼若總其罪人以臨之鄭
有辭矣何懼且夫合諸侯以崇德也會而列
姦何以示後嗣夫諸侯之會其德刑禮義無
國不記記姦之位君盟替矣作而不記非盛
德也君其勿許鄭必受盟夫子華旣爲大子
而求介於大國以弱其國亦必不免鄭有叔
詹堵叔師叔三良爲政未可閒也齊侯辭焉

子華由是得罪於鄭冬鄭伯使請盟于齊去起

呂反奸音干共音恭替他計反堵丁古反開開廁之開

攜離也官受方物諸侯官司各於齊受其方所當貢天子之物三族鄭大夫鄭為內臣謂以鄭事齊如封內臣守命共時謂守君命共時事釁謂子華犯父命是其釁隙總將領也子華奸父之命即罪人以大義為辭列姦謂用子華位會位也子華為姦

人而列在會位將為諸侯所記替廢也不記非盛德謂君舉必書雖復齊史隱諱亦損盛德介因也鄭請盟于齊以齊侯不聽子華故

閏月惠王崩襄王惡大叔帶之難懼不立不發喪而告難于齊惡烏路反大音泰

襄王惠王太子鄭也大叔帶襄王弟惠后之子也有寵於惠后惠后欲立之未及而

春秋左傳卷十二 僖公 七 皆亡費

卒告難于齊為八年盟洮傳

經八年春王正月公會王人齊侯宋公衛侯許男曹伯陳世子款盟于洮

王人與諸侯盟不譏者王室有難故洮曹地

鄭伯乞盟

新服未與會故不序列別言行盟

夏狄伐晉

秋七月禘于大廟用致夫人

大音秦

禘三年大祭之名大廟周公廟致者致新死之主於廟而列之昭穆夫人淫而與殺不薨於寢於禮不應致故僖公疑其禮歷三禘今果行之嫌異常故書之

冬十有二月丁未天王崩

實以前年閏月崩以今年十二月丁未告

傳八年春盟于洮謀王室也鄭伯乞盟請服

春秋左傳

卷十二

僖公

八

皆古本

也襄王定位而後發喪

王人會洮還而後王定位

晉里克帥師梁由靡御虢射為右以敗狄于采桑梁由靡曰狄無恥從之必大克里克曰懼之而已無速眾狄虢射曰期年狄必至示之弱矣

射食亦反期音其

傳言前年事也平陽北屈縣西南有采桑津從之必克謂狄不恥走故可逐無速眾

狄言恐怨深而羣黨來報

夏狄伐晉報采桑之役也復期月

明期年之言

秋禘而致哀姜焉非禮也凡夫人不薨于寢不殯于廟不赴于同不祔于姑則弗致也

附音

寢小寢同同盟將葬又不以殯過廟據經哀姜薨葬之文則為殯廟赴同祔姑今當

水火左傳卷十二 僖公 九 晉古婁

以不薨于寢不得致也

冬主人來告喪難故也是以緩

有大叔帶之難

宋公疾大子茲父固請曰日夷長且仁君其立之公命子魚子魚辭曰能以國讓仁孰大焉臣不及也且又不順遂走而退

茲父襄公也日夷茲父庶兄子魚也不順謂立庶不順禮

九年春王三月丁丑宋公御說卒

御魚呂反說音悅

四同盟

夏公會宰周公齊侯宋子衛侯鄭伯許男曹伯于葵邱

周公宰孔也宰官周采地天子三公不字宋子襄公也傳例曰在喪公侯曰子陳留外黃縣東有葵邱

春秋左傳

卷十二

僖公

十

皆古婁

秋七月乙酉伯姬卒

無傳公羊穀梁曰未適人故不稱國已許嫁則以成人之禮書不復殤也婦人許嫁而笄猶丈夫之冠

九月戊辰諸侯盟于葵邱

夏會葵邱次伯姬卒文不相比故重言諸侯宰孔元歸不與盟

甲子晉侯詭諸卒

詭九委反

未同盟而赴以名甲子九月十一日戊辰十五日也書在盟後從赴

冬晉里克殺其君之子奚齊

獻公未葬奚齊未成君故稱君之子奚齊受命繼位無罪故里克稱名

傳九年春宋桓公卒未葬而襄公會諸侯故

曰子凡在喪王曰小童公侯曰子

在喪未葬也小童者童蒙幼穉之稱子者

春秋左傳

卷十二

僖公

十一

晉左傳

繼父之辭公侯位尊土連王者下絕伯子
男周康王在喪稱子一人釗禮稱亦不言
小童或所稱之辭各有所施此謂王自稱
之辭非諸夏所得書故經無其事傳通取
舊典之文以事相接

夏會于葵邱尋盟且修好禮也王使宰孔賜
齊侯胙曰天子有事于文武使孔賜伯舅胙
齊侯將下拜孔曰且有後命天子使孔曰以

伯舅蓋老加勞賜一級無下拜對曰天威不
遠顔咫尺小白余敢貪天子之命無下拜恐
隕越于下以遺天子羞敢不下拜下拜登受
咫之氏反
遺去聲

胙祭肉賜齊侯尊之比二王後有事文武
謂有祭事也天子謂異姓諸侯曰伯舅七
十曰耄級等也天威咫尺言天鑒察不遠
威嚴常在顔面之前八寸曰咫小白齊侯

名余身也隕越顛墜也據天王居上故言
恐顛墜于下下拜登受自堂下受胙於堂

上

秋齊侯盟諸侯于葵邱曰凡我同盟之人既
盟之後言歸于好宰孔先歸遇晉侯曰可無
會也齊侯不務德而勤遠略故北伐山戎南
伐楚西為此會也東略之不知西則否矣其
在亂乎君務靖亂無勤於行晉侯乃還

同盟之人言歸于好義取修好故傳顯其
盟辭宰孔既會先諸侯去遇晉侯晉侯欲
求會葵邱北伐山戎在莊二十一年伐楚
在四年東略不知西則否言或向東必不
能復西略在存也微戒獻公言晉將有亂
晉侯乃還不復會齊

九月晉獻公卒里克平鄭欲納文公故以三
公子之徒作亂初獻公使荀息傅奚齊公疾

召之曰以是藐諸孤辱在大夫其若之何稽
首而對曰臣竭其股肱之力加之以忠貞其
濟君之靈也不濟則以死繼之公曰何謂忠
貞對曰公家之利知無不為忠也送往事居
耦俱無猜貞也及里克將殺奚齊先告荀息
曰三怨將作秦晉輔之子將何如荀息曰將
死之里克曰無益也荀叔曰吾與先君言矣
不可以貳能欲復言而愛身乎雖無益也將

焉辟之且人之欲善誰不如我我欲無貳而

能謂人已乎

不普悲反藐妙小反
猜七才反焉於虔反

平鄭晉大夫三公子申生重耳夷吾藐諸

孤言其幼賤與諸子縣藐辱在大夫欲屈

辱荀息使保護之往死者居生者耦兩也

送死事生兩無猜恨所謂正也三怨謂三

公子之徒荀叔荀息也復言言可復也不

能謂人已言不能止里克使不忠於申生

冬十月里克殺奚齊于次書曰殺其君之子未葬也荀息將死之人曰不如立卓子而輔之荀息立公子卓以葬十一月里克殺公子卓于朝荀息死之君子曰詩所謂白圭之玷尚可磨也斯言之玷不可為也荀息有焉丁玷

反簞

次喪寢詩大雅言此言之缺難治甚於白

圭荀息有此詩人重言之義

齊侯以諸侯之師伐晉及高粱而還討晉亂也令不及魯故不書

高粱晉地在平陽縣西南前已發不書例

今復重發嫌霸者異於凡諸侯

晉卻芮使夷吾重賂秦以求入曰人實有國我何愛焉入而能民土於何有從之齊隰朋帥師會秦師納晉惠公秦伯謂卻芮曰公子

春秋左傳

卷十二

僖公

五

晉古婁

春秋
誰恃對曰臣聞亡人無黨有黨必有讎夷吾
弱不好弄能鬪不過長亦不改不識其他公
謂公孫枝曰夷吾其定乎對曰臣聞之唯則
定國詩曰不識不知順帝之則文王之謂也
又曰不僭不賊鮮不為則無好無惡不忌不
克之謂也今其言多忌克難哉公曰忌則多
怨又焉能克是吾利也隰音習
卻芮卻克祖父從夷吾者人有國我何愛

言國非己之有何愛而不以賂秦土於何
有謂能得民不患無土隰朋齊大夫惠公
夷吾有黨必有讎言夷吾無黨無黨則無
讎易出易入以微勸秦弄戲也能鬪不過
謂有節制公孫枝秦大夫子桑也詩大雅
帝天也則法也言文王闇行自然合天之
法僭過差也賊傷害也皆忌克也能不然
則可為人法則言多忌克謂既僭而賊難

哉言能自定難公曰其言雖多忌適足以自害不能勝人也秦伯慮其還害己故曰是吾利

宋襄公即位以公子目夷為仁使為左師以聽政於是宋治故魚氏世為左師治直吏反經十年春王正月公如齊

無傳

狄滅溫溫子奔衛

蓋中國之狄滅而居其土地

晉里克弒其君卓及其大夫荀息

弒卓在前年而以今春書者從赴也獻公既葬卓已免喪故稱君也荀息稱名者雖欲復言本無遠謀從君於昏

夏齊侯許男伐北戎

無傳北戎山戎

晉殺其大夫里克

春秋左傳

卷十二

僖公

十七

晉古婁

春秋

卷十二

奚齊者先君所命卓子又以在國嗣位罪未為無道而里克親為三怨之主累弑二君故稱名以罪之

秋七月

冬大雨雪

雨去聲

無傳平地尺為大雪

傳十年春狄滅溫蘇子無信也蘇子叛王即火又不能於狄狄人伐之王不救故滅蘇子

奔衛

蘇子周司寇蘇公之後也國於溫故曰溫子叛王事在莊十九年

夏四月周公忌父王子黨會齊隰朋立晉侯晉侯殺里克以說將殺里克公使謂之曰微子則不及此雖然子弑二君與一大夫為子君者不亦難乎對曰不有廢也君何以興欲加之罪其無辭乎臣聞命矣伏劍而死於是

春秋左傳

卷十二

僖公

十六

皆古妻

春秋

稱古

平鄭聘于秦且謝緩賂故不及

周公忌父周卿士王子黨周大夫說謂自解說不纂克言欲加己罪不患無辭平鄭

里克黨以在秦故不及里克俱死

晉侯改葬共大子秋狐突適下國遇大子大子使登僕而告之曰夷吾無禮余得請於帝矣將以晉界秦秦將祀余對曰臣聞之神不歆非類民不祀非族君祀無乃殄乎且民何

罪失刑之祀君其圖之君曰諾吾將復請七

日新城西偏將有巫者而見我焉許之遂不見及期而往告之曰帝許我罰有罪矣傲於

韓平鄭之如秦也言於秦伯曰呂甥卻稱冀芮實為不從若重問以召之臣出晉君君納

重耳蔑不濟矣共音恭大音秦界必利反歆許金反偏匹綿反稱尺證反

共大子申生也下國曲沃新城遇大子忽

如夢而相見狐突本為申生御故復使登

春秋左傳卷十二 僖公 十九 晉古婁

車為僕請於帝謂請罰夷吾歆饗也殄絕也新城曲沃也七日將有巫者謂將因巫而見狐突許其言申生之象亦沒敵敗也韓晉地獨敝惠公故言罰有罪明不復以晉界秦夷吾忌克多怨終於失國雖改葬加諡申生猶忿傳言鬼神所馮有時而信呂甥卻稱冀芮三子晉大夫不從不與秦賂問聘問之幣蔑無也

冬秦伯使泠至報問且召三子卻芮曰幣重而言甘誘我也遂殺平鄭祁舉及七輿大夫左行共華右行賈華叔堅騅欬纍虎特宮山祁皆里平之黨也不豹奔秦言於秦伯曰晉侯背大主而忌小怨民弗與也伐之必出公曰失眾焉能殺違禍誰能出君泠力丁反
顛市專反
 冷至秦大夫祁舉晉大夫七輿侯伯七命副車七乘共華至山祁七子七輿大夫平

豹平鄭之子大主秦也小怨里平焉能殺
謂殺里平之黨違禍謂豹辟禍也為明年
晉殺平鄭傳

經十有一年春晉殺其大夫平鄭父

以私怨謀亂國書名罪之書春從告

夏公及夫人姜氏會齊侯于陽穀

無傳婦人送迎不出門見兄弟不踰闕與
公俱會齊侯非禮

秋八月大雩

無傳過時故書

冬楚人伐黃

傳十一年春晉侯使以平鄭之亂來告

釋經書在今年

天王使召武公內史過賜晉侯命受玉惰過
歸告王曰晉侯其無後乎王賜之命而惰於
受瑞先自棄也已其何繼之有禮國之幹也

春秋左傳卷十二 僖公 三 晉與婁

春秋

稱古禮

敬禮之與也不敬則禮不行禮不行則上下

昏何以長世

過古不反
惰徒臥反

天王周襄王召武公周卿士內史過周大

夫諸侯即位天子賜之命圭為瑞何以長

世為惠公不終張本

夏揚拒泉泉伊維之戎同伐京師入王城焚

東門王子帶召之也秦晉伐戎以救周秋晉

侯平戎于王

揚拒泉泉皆戎邑及諸雜戎居伊水維水

之間者今伊闕北有泉亭王子帶甘昭公

也召戎欲因以篡位為二十四年天王出

居鄭傳

黃人不歸楚貢冬楚人伐黃

黃人恃齊故

經十有二年春王三月庚午日有食之

無傳不書朔官失之

春秋左傳

卷十二

僖公

三

晉古婁

夏楚人滅黃

秋七月

冬十有二月丁丑陳侯杵臼卒

無傳遣世子與僖公同盟甯母及洮

傳十二年春諸侯城衛楚邱之郛懼狄難也

郛芳夫反
難乃且反

楚邱衛國都郛郛也為明年春秋侵衛傳

黃人恃諸侯之睦于齊也不共楚職曰自郛

及我九百里焉能害我夏楚滅黃共音恭焉
於虔反

郛楚都

王以戎難故討王子帶秋王子帶奔齊

子帶前年召戎伐周

冬齊侯使管夷吾平戎于王使隰朋平戎于

晉王以上卿之禮饗管仲管仲辭曰臣賤有

司也有天子之二守國高在若節春秋來承

王命何以禮焉陪臣敢辭王曰舅氏余嘉乃

齊火左傳卷十二 僖公 三 晉古樓

勲應乃懿德謂督不忘往踐乃職無逆朕命
管仲受下卿之禮而還君子曰管氏之世祀
也宜哉讓不忘其上詩曰愷悌君子神所勞

矣

守勞並
去聲

平和也前年晉救周伐戎故戎與周晉不
和國子高子天子所命為齊守臣皆上卿
也莊二十二年高僖始見經僖二十八年
國歸父乃見傳歸父之父曰懿仲高僖之

子曰莊子不知今當誰世節時也諸侯之
臣曰陪臣伯舅之使故曰舅氏督不忘往
踐乃職言功勲美德可謂正而不可忘者
不言位而言職者管仲位卑而執齊政故
欲以職尊之管仲不敢以職自高卒受本
位之禮詩大雅愷樂也悌易也言樂易君
子為神所勞來故世祀也管仲之後於齊
沒不復見傳亦舉其無驗

春秋

經十有三年春秋侵衛

傳在前年春

夏四月葬陳宣公

無傳

公會齊侯宋公陳侯衛侯鄭伯許男曹伯于

鹹

鹹衛地東郡濮陽縣東南有鹹城

秋九月大雩

無傳書過

冬公子友如齊

無傳

傳十三年春齊侯使仲孫湫聘于周且言王子帶事畢不與王言歸復命曰未可王怒未怠其十年乎不十年王弗召也

前年王子帶奔齊言欲復之不與王言不

言子帶事

春秋左傳

卷十二

僖公

三

晉古婁

春和

夏會于鹹淮夷病杞故且謀王室也

秋為我難故諸侯戍周齊仲孫湫致之為于偽反

難乃且反

戍守也致諸侯戍卒于周

冬晉荐饑使乞糴于秦秦伯謂子桑與諸乎對曰重施而報君將何求重施而不報其民必攜攜而討焉無厭必敗謂百里與諸乎對曰天災流行國家代有救災恤鄰道也行道

有禍不鄭之子豹在秦請伐晉秦伯曰其君是惡其民何罪秦於是乎輸粟于晉自雍及絳相繼命之曰汎舟之役糴直歷反施式鼓反雍於用反絳古

卷反

荐饑麥禾皆不熟君將何求言不損秦無眾必敗謂不義故民離百里秦大夫豹請伐晉欲為父報怨雍秦國都絳晉國都汎舟從渭水運入河汾

春秋左傳

卷十二

僖公

三

僖公

經十有四年春諸侯城緣陵

緣陵杞邑辟淮夷遷都於緣陵

夏六月季姬及鄆子遇于防使鄆子來朝鄆

陵反

季姬魯女鄆夫人也鄆子本無朝志為季

姬所召而來故言使鄆子來朝鄆國今琅

琊鄆縣

秋八月辛卯沙鹿崩

沙鹿山名平陽元城縣東有沙鹿土山在

晉地災害繫於所災所害故不繫國

狄侵鄭

無傳

冬蔡侯肸卒

肸許乙反

無傳未同盟而赴以名

傳十四年春諸侯城緣陵而遷杞焉不書其
人有闕也

春秋左傳

卷十二

僖公

十七

管古婁

和古

闕謂器用不具城池未固而去爲惠不終也澶淵之會旣而無歸大夫不書而國別稱人今此總曰諸侯君臣之辭不言城杞杞未遷也

鄆季姬來寧公怒止之以鄆子之不朝也夏遇于防而使來朝

來寧不書而後年書歸鄆更嫁之文也明公絕鄆昏旣來朝而還

秋八月辛卯沙鹿崩晉卜偃曰期年將有大

咎幾亡國期音基

國主山川山崩川竭亡國之徵

冬秦饑使乞糴于晉晉人弗與慶鄭曰背施無親幸災不仁貪愛不祥怒鄰不義四德皆失何以守國虢射曰皮之不存毛將安傅慶鄭曰棄信背鄰患孰恤之無信患作失援必斃是則然矣虢射曰無損於怨而厚於寇不

春秋左傳卷十二 僖公 天 晉古婁

春秋

和

如勿與慶鄭曰背施幸災民所棄也近猶讎

昔音佩
施式豉

之況怨敵乎弗聽退曰君其悔是哉

反射音石
傳音附慶鄭晉大夫號射惠公舅也皮以喻所許

秦城毛以喻糴言既背秦施為怨以深雖

與之糴猶無皮而施毛無損於怨而厚於

寇言與秦粟不足解怨適足使秦強

春秋左傳註卷第十二終

春秋左傳註卷第十三

億十五年盡
二十一年

晉

杜

預

註

經十有五年春王正月公如齊

無傳諸侯五年再相朝禮也例在文十五

年

楚人伐徐

三月公會齊侯宋公陳侯衛侯鄭伯許男曹

伯盟于牡邱

牡茂
后反

春秋左傳

卷十三

僖公

一

晉左

杜邱地名闕

遂次于匡

匡衛地在陳留長垣縣西南

公孫敖帥師及諸侯之大夫救徐

公孫敖慶父之子諸侯既盟次匡皆遣大夫將兵救徐故不復具列國別也

夏五月日有食之

秋七月齊師曹師伐厲

厲楚與國義陽隨縣北有厲鄉

八月螽

螽音終無傳為災

九月公至自會

無傳

季姬歸于鄆

無傳來寧不書此書者以明中絕

己卯晦震夷伯之廟

春秋左傳卷十三 僖公 二 增古婁

夷伯魯大夫展氏之祖父夷諡伯字震者

雷電擊之大夫既卒書字

冬宋人伐曹楚人敗徐于婁林婁方侯反

婁林徐地下邳僮縣東南有婁亭

十有一月壬戌晉侯及秦伯戰于韓獲晉侯

例得大夫曰獲晉侯背施無親復諫違卜

故貶絕下從眾臣之例而不言以歸不書

敗績晉師不大崩

傳十五年春楚人伐徐徐即諸夏故也三月

盟于牡邱尋葵邱之盟且救徐也孟穆伯帥

師及諸侯之師救徐諸侯次于匡以待之夏

雅反

葵邱盟在九年

夏五月日有食之不書朔與日官失之也

秋伐厲以救徐也

晉侯之入也秦穆姬屬賈君焉且曰盡納羣

昏次左傳卷十三 僖公 三 稽古樓

公子晉侯悉于賈君又不納羣公子是以穆
姬怨之晉侯許賂中大夫既而皆背之賂秦
伯以河外列城五東盡虢畧南及華山內及
解梁城既而不與晉饑秦輸之粟秦饑晉閉
之糴故秦伯伐晉卜徒父筮之吉沙河侯車
敗詰之對曰乃大吉也三敗必獲晉君其卦
遇蠱三三曰千乘三去三去之餘獲其雄狐
夫狐蠱必其君也蠱之貞風也其悔山也歲

云秋矣我落其實而取其材所以克也實落
材亡不敗何待三敗及韓晉侯謂慶鄭曰寇
深矣若之何對曰君實深之可若何公曰不
孫卜右慶鄭吉弗使步揚御戎家僕徒爲右
乘小駟鄭入也慶鄭曰古者大事必乘其產
生其水土而知其人心安其教訓而服習其
道唯所納之無不如志今乘異產以從戎事
及懼而變將與人易亂氣狡憤陰血周作張

春秋

左傳

卷十三

僖公

四

晉古婁

脉傾與外彊中乾進退不可周旋不能君必
悔之弗聽九月晉侯逆秦師使韓簡視師復
曰師少於我鬪士倍我公曰何故對曰出因
其資入用其寵饑食其粟三施而無報是以
來也今又擊之我怠秦奮倍猶未也公曰一
夫不可狃況國乎遂使請戰曰寡人不佞能
舍其眾而不能離也君若不還無所逃命秦
伯使公孫枝對曰君之未入寡人懼之入而

未定列猶吾憂也苟列定矣敢不承命韓簡
退曰吾幸而得囚王戍戰于韓原晉戎馬還
澤而止公號慶鄭慶鄭曰復諫違下固敗是
求又何逃焉遂去之梁由靡御韓簡虢射爲
右輅秦伯將止之鄭以救公誤之遂失秦伯
秦獲晉侯以歸晉大夫反首拔舍從之秦伯
使辭焉曰二三子何其感也寡人之從君而
西也亦晉之妖夢是踐豈敢以至晉大夫三

拜稽首曰君履后土而戴皇天皇天后土實
聞君之言羣臣敢在下風穆姬聞晉侯將至
以天子幣弘與女簡璧登臺而履薪焉使以
免服衰絰逆且告曰上天降災使我兩君匪
以玉帛相見而以興戎若晉君朝以入則婢
子夕以死夕以入則朝以死唯君裁之乃舍
諸靈臺大夫請以入公曰獲晉侯以厚歸也
而喪歸焉用之大夫其何有焉且晉人感

憂以重我天地以要我不圖晉憂重其怒也
我食吾言背天地也重怒難任背天不祥必
歸晉君公子縶曰不如殺之無聚慝焉子桑
曰歸之而質其天子必得大成晉未可滅而
殺其君祇以成惡且史佚有言曰無始禍無
怙亂無重怒重怒難任陵人不祥乃許晉平
晉侯使卻乞告瑕呂飴甥且召之子金教之
言曰朝國人而以君命賞且告之曰孤雖歸

春秋
辱社稷矣其卜貳圍也眾皆哭晉於是乎作爰田呂甥曰君亡之不恤而羣臣是憂惠之至也將若君何眾曰何爲而可對曰征繕以輔孺子諸侯聞之喪君有君羣臣輯睦甲兵益多好我者勸惡我者懼庶有益乎眾說晉於是乎作州兵初晉獻公筮嫁伯姬於秦遇歸妹三三之睽三三史蘇古之曰不吉其繇曰土剗羊亦無益也女承筐亦無貺也西鄰

責言不可償也歸妹之睽猶無相也震之離亦離之震爲雷爲火爲羸敗姬車說其輶火焚其旗不利行師敗于宗邱歸妹睽孤寇張之弧姪其從姑六年其逋逃歸其國而棄其家明年其死于高粱之虛及惠公在秦曰先君若從史蘇之占吾不及此夫韓簡侍曰龜象也筮數也物生而後有象象而後有滋滋而後有數先君之敗德及可數乎史蘇是占

勿從何益詩曰下民之孽匪降自天傳沓背

憎職競由人屬音燭烝之承反解音蟹詰起

狡古卯反債扶粉反張中亮反脉音麥施式

氏反狃女九反濤乃定反號戶刀反輅五嫁

反拔滿末反整於耕反免音問衰七雷反經

大結反要於遙反任音壬繫張執反佚音逸

怙音戶飴音怡輯音集睽苦圭反繇直救反

割苦圭反音荒賦音況償市亮反羸音盈

說古活反輓音福通補吾反家叶

姑虛去魚反傳尊本反沓徒合反

晉侯入在九年穆姬申生姊秦穆夫人賈君晉獻公次妃賈女也羣公子晉武獻之

族宣三年傳曰驪姬之亂詛無畜羣公子

中大夫國內執政里平等河外河南也東

盡號畧從河南而東盡號界也解梁城今

河東解縣也華山在弘農華陰縣西南秦

輸之粟在十三年晉閉之糴在十四年徒

父秦之掌龜卜者卜人而用筮不能通三

易之占故據其所見雜占而言之秦伯之

軍涉河則晉侯車敗也秦伯不解謂敗在

已故詰之其卦遇蠱巽下艮上蠱於周易
利涉大川往有事也亦秦勝晉之卦也今
此所言蓋卜筮書雜辭以狐蠱爲君其義
欲以喻晉惠公其象未聞內卦爲貞外卦
爲悔巽爲風秦象艮爲山晉象歲云秋則
九月夏之七月孟秋也艮爲山山有木今
歲已秋風吹落山木之實則材爲人所取
三改及韓晉侯車三壞慶鄭曰君實深之

公惡其不孫不以爲車右此夷吾之多忌
步揚卻犇之父鄭所獻馬名小駟將與人
易謂變化人意狡戾也債動也氣狡債於
外則血脉必周身而作隨氣張動外雖有
彊形而內實乾竭韓簡晉大夫韓萬之孫
出因其資謂奔梁求秦入用其寵謂爲秦
所納狃快也言辟秦則使快來列位也得
囚謂幸言必敗壬戌九月十三日溲泥也

還便旋也小駟不調故隋泥中復戾也輅
迎也止獲也秦獲晉侯經書十一月壬戌
十四日經從赴反首亂頭髮下垂也拔草
舍止壞形毀服狐突不寐而與神言故謂
之妖夢申生言帝許罰有罪今將晉君而
西以厭息此語踐厭也瑩康公名弘其母
弟也簡璧瑩弘姊妹古之宮閉者皆居之
臺以抗絕之穆姬欲自罪故登臺而荐之

以薪左右上下者皆履柴乃得通免衰經
遭喪之服令行人服此服迎秦伯且告將
以恥辱自殺靈臺在京兆鄠縣周之故臺
亦所以杜絕令不得通外內自曰上天降
災此凡四十七字檢古本皆無晁杜註亦
不得有有是後人加也旣而喪歸焉用之
謂若將晉侯入則夫人或自殺何有猶何
得憂以重我謂反首拔舍食消也任當也

公子繫秦大夫恐夷吾歸復相聚為惡祇
適也史佚周武王時太史名佚怙亂謂恃
人亂為己利卻乞晉大夫也瑕呂飴甥即
呂甥也蓋姓瑕呂名飴甥字子金晉侯聞
秦將許之平故告呂甥召使迎己以君命
賞恐國人不從故先賞之於朝貳代也圉
惠公太子懷公眾皆哭哀君不還國晉作
爰田分公田之稅應人公者爰之於所賞

之眾征賦也繕治也孺子太子圉晉作州
兵五黨為州州二千五百家也因此又使
州長各繕甲兵筮遇歸妹之睽兌下震上
歸妹兌下離上睽歸妹上六變而為睽史
蘇晉卜筮之史剗羊無盍承筐無貺周易
歸妹上六爻辭也盍血也貺賜也剗羊士
之功承筐女之職上六無應所求不獲故
下剗無血上承無實不吉之象也離為中

女震爲長男故稱士女晉將嫁女於西而
遇不吉之卦故知有責讓之言不可報償
歸妹女嫁之卦睽乖離之象故曰無相相
助也震離二卦變而氣相通羸秦姓姬晉
姓震爲雷離爲火火動熾而害其母女嫁
反害其家之象故曰爲羸敗姬輓車下縛
也邱猶邑也震爲車離爲火上六爻在震
則無應故車脫輓在離則失位故火焚旗

言皆失車火之用也車敗旗焚故不利行
師火還害母故敗不出國近在宗邑寇張
之弧此睽上九爻辭也處睽之極故曰睽
孤失位孤絕故遇寇難而有弓矢之警皆
不吉之象姪其從姑言震爲木離爲火火
從木生離爲震妹於火爲姑謂我姪者我
謂之姑謂子圉質秦逋亡也家謂子圉婦
懷羸惠公死之明年文公入殺懷公于高

梁高梁晉地在平陽楊氏縣西南凡筮者用周易則其象可推非此而往則臨時占者或取於象或取於氣或取於時日王相以成其占若盡附會以爻象則構虛而不經故畧言其歸趣他皆倣此史蘇是占勿從何益言龜以象示筮以數告象數相因而生然後有占占所以知吉凶不能變吉凶故先君敗德非筮數所生雖復不從史

蘇不能益禍詩小雅言民之有邪惡非天所降傳杳面語背相憎疾皆人競所主作因以諷諫惠公有以召此禍也

震夷伯之廟罪之也於是展氏有隱隱焉

隱惡非法所得尊貴罪所不加是以聖人因天地之變自然之妖以感動之知達之主則識先聖之情以自厲中下之主亦信妖祥以不妄神道助教惟此爲深

冬宋人伐曹討舊怨也

莊十四年曹與諸侯伐宋

楚敗徐于婁林徐恃救也

恃齊救

十月晉陰飴甥會秦伯盟于王城秦伯曰晉國和乎對曰不和小人恥失其君而悼喪其親不憚征繕以立國也曰必報讎寧事戎狄君子愛其君而知其罪不憚征繕以待秦命

曰必報德有死無二以此不和秦伯曰國謂君何對曰小人感謂之不免君子恕以為必歸小人曰我毒秦秦豈歸君君子曰我知罪矣秦必歸君貳而執之服而舍之德莫厚焉刑莫威焉服者懷德貳者畏刑此一役也秦可以霸納而不定廢而不立以德為怨秦不其然秦伯曰是吾心也改館晉侯饋七牢焉蛾析謂慶鄭曰盍行乎對曰陷君於敗敗而

春秋左傳

卷十三

僖公

十四

晉古婁

不死又使失刑非人臣也臣而不臣行將焉
入十一月晉侯歸丁丑殺慶鄭而後入是歲
晉又饑秦伯又餽之粟曰吾怨其君而矜其
民且吾聞唐叔之封也箕子曰其後必大晉
其庸可冀乎姑樹德焉以待能者於是秦始
征晉河東置官司焉蠶魚綺反析星歷反
焉於虔反餽許氣反
陰飴甥即呂甥也食采於陰故曰陰飴甥
王城秦地馮翊臨晉縣東有王城今名武

鄉悼喪其親痛其親為秦所殺毒謂三旒
不報此一役者言還惠公使諸侯威服復
可當一事之功七牢牛羊豕各一為一牢
蛾析晉大夫也陷君於敗謂呼不往誤晉
師失秦伯丁丑月二十九日唐叔晉始封
之君武王之子箕子殷王帝乙之子紂之
庶兄征賦也

經十有六年春王正月戊申朔隕石于宋五
谷火左傳卷十三 僖公 十五 晉古婁

隕十
斂反

隕落也聞其隕視之石數之五各隨其聞見先後而記之莊七年星隕如雨見星之隕而墜於四遠若山若水不見在地之驗此則見在地之驗而不見始隕之星史各據事而書

是月六鷁退飛過宋都

鷁五歷反過古禾反

是月隕石之月重言是月嫌同日鷁水鳥

高飛遇風而退宋人以為災告於諸侯故書

三月壬申公子季友卒

無傳稱字者貴之公與小斂故書日

夏四月丙申鄆季姬卒

無傳

秋七月甲子公孫茲卒

無傳

春秋左傳

卷十三

僖公

十六

稽古叢

冬十有二月公會齊侯宋公陳侯衛侯鄭伯
許男邾侯曹伯于淮

臨淮郡左右

傳十六年春隕石于宋五隕星也六鷁退飛
過宋都風也周內史叔與聘于宋宋襄公問
焉曰是何祥也吉凶焉在對曰今茲魯多大
喪明年齊有亂君將得諸侯而不終退而告
人曰君失問是陰陽之事非吉凶所生也吉

凶由人吾不敢逆君故也

但言星則嫌星使石隕故重言隕星六鷁
過迅風而退飛風高不爲物害故不記風
之異祥吉凶之先見者襄公以爲石隕鷁
退能爲禍福之始故問其所在今茲此歲
魯喪齊亂宋襄公不終別以政刑吉凶他
占知之陰陽之事非吉凶所生言石隕鷁
退陰陽錯逆所爲非人所生襄公不知陰

春秋左傳

卷十三

僖公

十七

信古樓

陽而問人事故曰君失問叔與自以對非其實恐為有識所譏故退而告人積善餘慶積惡餘殃故曰吉凶由人君問吉凶不敢逆之故假他占以對

夏齊伐厲不克救徐而還

十五年齊伐厲以救徐

秋狄侵晉取狐廚受鐸涉汾及昆都因晉敗也

厨直誅反鐸徒各反涉扶云反

狐廚受鐸昆都晉三邑平陽臨汾縣西北

有狐谷亭汾水出大原南入河

王以戎難告于齊齊徵諸侯而成周

難乃且反

十一年戎伐京師以來遂為王室難

冬十一月乙卯鄭殺子華

終管仲之言事在七年

十二月會于淮謀郟且東畧也城郟役人病

有夜登邱而呼曰齊有亂不果城而還

呼火故反

春秋左傳卷十三 僖公 十六 稽古樓

春秋
還音
旋

鄆為淮夷所病故會淮謀鄆夜登邱而呼
役人遇厲氣不堪久駐故作妖言

經十有七年春齊人徐人伐英氏

夏滅項

項國今汝陰項縣公在會別遣師滅項不
言師諱之

秋夫人姜氏會齊侯于卞

卞今魯國卞縣

九月公至自會

公既見執于齊猶以會改者諱之

冬十有二月乙亥齊侯小白卒

與僖公八同盟赴以名

傳十七年春齊人為徐伐英氏以報婁林之

役也為于
偽反

英氏楚與國婁林役在十五年

春秋左傳

卷十三

僖公

十九

稽古樓

夏晉大子圉爲質於秦秦歸河東而妻之惠
公之在梁也梁伯妻之梁嬴孕過期卜招父
與其子卜之其子曰將生一男一女招曰然
男爲人臣女爲人妾故名男曰圉女曰妾及
子圉西質妾爲宦女焉質音致妻七許反嬴音盈孕以證反過古禾反宦音患
秦征河東置官司在十五年孕過期謂過
十月不產懷子曰孕卜招父梁大卜圉養

馬者不聘曰妾妾爲宦女宦事秦爲妾
師滅項淮之會公有諸侯之事未歸而取項
齊人以爲討而止公

師魯師淮會在前年冬諸侯之事會同講
禮之事討而止公內諱執皆言止

秋聲姜以公故會齊侯于十月九月公至書曰
至自會猶有諸侯之事焉且諱之也

聲姜僖公夫人齊女公恥見執故託會以

水火左傳卷十三 僖公 二十 晉古樓

告廟

齊侯之夫人三王姬徐嬴蔡姬皆無子齊侯
 好內多內寵內嬖如夫人者六人長衛姬生
 武孟少衛姬生惠公鄭姬生孝公葛嬴生昭
 公密姬生懿公宋華子生公子雍公與管仲
 屬孝公於宋襄公以為太子雍巫有寵於衛
 共姬因寺人貂以薦羞於公亦有寵公許之
 立武孟管仲卒五公子皆求立冬十月乙亥

齊桓公卒易牙入與寺人貂因內寵以殺羣

吏而立公子無虧孝公奔宋十二月乙亥赴

辛巳夜殯嬖必計反長丁吏反少詩照反華
 戶化反屬音燭共音恭貂音彫

武孟公子無虧惠公公子元孝公公子昭

昭公公子潘懿公公子商人宋華子華氏

之女子姓雍巫雍人名巫即易牙易牙既

有寵於公為長衛姬請立武孟乙亥十月

八日內寵內官之有權寵者乙亥赴辛巳

春秋

和百本

殯六十七日乃殯

經十有八年春王正月宋公曹伯衛人邾人伐齊

納孝公

夏師救齊

無傳

五月戊寅宋師及齊師戰于贏齊師敗績

贏

魚

無虧既死曹衛邾先去魯亦罷歸故宋師獨與齊戰不稱宋公不親戰也大崩曰敗

績贏齊地

狄救齊

無傳救四公子之徒

秋八月丁亥葬齊桓公

十一月而葬亂故八月無丁亥日誤

冬邾人狄人伐衛

春秋左傳

卷十三

僖公

三

稽古樓

狄稱人者史異辭傳無義例

傳十八年春宋襄公以諸侯伐齊三月齊人殺無虧

以說宋

鄭伯始朝于楚楚子賜之金既而悔之與之盟曰無以鑄兵故以鑄三鐘

中國無霸故楚金利考工記云吳越之劍是也古者以銅為兵傳言楚無霸者遠畧

齊人將立孝公不勝四公子之徒遂與宋人戰夏五月宋敗齊師于鄆立孝公而還勝音升

無虧已死故曰四公子

秋八月葬齊桓公

孝公立而後得葬

冬邾人狄人伐衛圍菟圃衛侯以國讓父兄子弟及朝眾曰苟能治之燬請從焉眾不可而後師于訾婁狄師還菟音徒圃布古反燬吁委反訾音子斯反婁

春秋左傳

卷十三

僖公

三

稽古樓

反郎鉤

燬衛文公名眾不可不聽衛侯讓陳師訾
婁訾婁衛邑獨言狄還則邾畱距衛言邾
所以終為衛所滅

梁伯益其國而不能實也命曰新里秦取之
不能實謂多築城邑而無民以實之

經十有九年春王三月宋人執滕子嬰齊嬰於
反盈

稱人以執宋以罪及民告例在成十五年
傳例不以名為義書名及不書名皆從赴

夏六月宋公曹人邾人盟于曹南

無傳曹雖與盟而猶不服不肯致餼無地
主之禮故不以國地而曰曹南所以及秋
而見圍

鄆子會盟于邾

不及曹南之盟諸侯既罷鄆乃會之於邾

春秋左傳卷十三 僖公 二 西 管石費

春秋
故不言如會

稱古樓

己酉邾人執鄆子用之

稱人以執宋以罪及民告也鄆雖失大國會盟之信然宋用之為罰已虐故直書用之言若用畜產也不書社赴不及也不書宋使邾而以邾自用為文南面之君善惡自專不得託之於他命

秋宋人圍曹衛人伐邾

伐邾在圍曹前經書在後從赴

冬會陳人蔡人楚人鄭人盟于齊

地於齊齊亦與盟

梁亡

以自亡為文非取者之罪所以惡梁

傳十九年春遂城而居之

承前年傳取新里故不復言秦也為此冬

梁亡傳

春秋

左傳

卷十三

僖公

三

晉古樓

宋人執滕宣公

夏宋公使邾文公用鄆子于次。雖之社欲以屬東夷。司馬子魚曰：古者六畜不相為用，小事不用大牲，而況敢用人乎？祭祀以為人也，民神之主也。用人，其誰饗之？齊桓公存三亡國，以屬諸侯，義士猶曰：薄德。今一會而虐二國之君，又用諸淫昏之鬼，將以求霸，不亦難乎？得死為幸。

雖音雖屬音燭畜許又反為子偽反

雖水受汴東經陳留梁譙沛彭城縣入泗。此水次有妖神東夷，皆社祀之，蓋殺人而用祭司馬子魚公子目夷也。六畜不相為用，謂若祭馬先不用馬，三亡國魯衛邢薄德，謂欲因亂取魯，緩救邢衛。宋公三月以會召諸侯，執滕子六月而會盟。其月二十三日，洮鄆子故云：一會而虐二國之君，淫昏之鬼，非周社故得死為幸，恐其亡國。

春秋左傳

卷十三

僖公

三六

齊魯

春秋

卷十三

秋衛人伐邾以報菟圃之役於是衛大旱卜有事於山川不吉甯莊子曰昔周饑克殷而年豐今邾方無道諸侯無伯天其或者欲使衛討邾乎從之師興而雨

刑不速退所以獨見伐有事祭也伯長也

宋人圍曹討不服也子魚言於宋公曰文王聞崇德亂而伐之軍三旬而不降退修教而復伐之因壘而降詩曰刑于寡妻至于兄弟

以御于家邦今君德無乃猶有所闕而以伐

人若之何盍姑內省德乎無闕而後動

復扶又反 御五嫁反

宋圍曹曹南盟不修地主之禮故崇崇侯

虎文修教復往攻之備不改前而崇自服

詩大雅言文王之教自近及遠寡妻嫡妻

謂大姒也刑法也

陳穆公請修好於諸侯以無忘齊桓之德冬

春秋左傳

卷十三

僖公

二十七

著古樓

盟于齊修桓公之好也好呼報反

宋襄暴虐故思齊桓

梁亡不書其主自取之也初梁伯好土功亟城而弗處民罷而弗堪則曰某寇將至乃溝公宮曰秦將襲我民懼而潰秦遂取梁亟欺

罷音皮潰戶外反

不書取梁者主名溝塹

經二十年春新作南門

魯城南門也本名稷門僖公更高大之今猶不與諸門同改名高門也言新以易舊言作以興事皆更造之文也

夏郟子來朝郟古報反

無傳郟姬姓國

五月乙巳西宮災

無傳西宮公別宮也天火曰災例在宣十

六年

春秋左傳卷十三 僖公 二天 管古樓

鄭人入滑

滑于八反

入例在襄十三年

秋齊人狄人盟于邾

冬楚人伐隨

傳二十年春新作南門晝不時也凡啓塞從時

不時謂失土功之時凡門戶道橋謂之啓城郭牆塹謂之塞皆官民之開閉不可一

日而闕故特隨壞時而治之今僖公修飾城門非開閉之急故以土功之制譏之傳嫌啓塞皆從土功之時故別起從時之例滑人叛鄭而服於衛夏鄭公子士洩堵寇帥師入滑

公子士鄭文公子洩諸寇鄭大夫

秋齊狄盟于邾為邾謀衛難也於是衛方病

邾為十爲反邾難乃且反

春秋左傳

卷十三

僖公

二十九

信古樓

春不

和百

隨以漢東諸侯叛楚冬楚鬪穀於菟師師伐
隨取成而還君子曰隨之見伐不量力也量
力而動其過鮮矣善敗由已而由人乎哉詩
日豈不夙夜謂行多露穀奴日反於音鳥
菟音徒鮮息淺反
詩召南言豈不欲早暮而行懼多露之濡
已以喻違禮而行必有汗辱是亦量宜相
時而動之義

宋襄公欲合諸侯臧文仲聞之曰以欲從人

則可以人從欲鮮濟

以欲從人謂屈已之欲從眾之善以人從
欲為明年鹿上盟傳

經二十有一年春秋侵衛

無傳為邢故

宋人齊人楚人盟于鹿上

鹿上宋地汝陰有原鹿縣宋為盟主故在

齊人上

春秋左傳卷十三 僖公 三十一 齊人上

夏大旱

雩不獲雨故書旱自夏及秋五稼皆不收

秋宋公楚子陳侯蔡侯鄭伯許男曹伯會于

孟孟音于

孟宋地楚始與中國行會禮故稱爵

執宋公以伐宋

不言楚執宋公者宋無德而爭盟為諸侯所疾故總見眾國其執之文

冬公伐邾

無傳為邾滅須句故

楚人使宜申來獻捷

無傳獻宋捷也不言宋者秋伐宋冬來獻捷事不異年從可知不稱楚子使來不稱

君命行禮

十有二月癸丑公會諸侯盟于薄釋宋公

諸侯既與楚共伐宋宋服故為薄盟以釋

春秋左傳

卷十三

僖公

三

晉與虜

春秋
之公本無會期聞盟而往故書公會諸侯
傳二十一年春宋人為鹿上之盟以求諸侯
於楚楚人許之公子目夷曰小國爭盟禍也
宋其亡乎幸而後敗

謂軍敗

夏大旱公欲焚巫尪臧文仲曰非旱備也修
城郭貶食省用務穡勸分此其務也巫尪何
為天欲殺之則如勿生若能為旱焚之滋甚

公從之是歲也饑而不害

尪烏黃反貶彼
檢反省所景反

巫尪女巫也主祈禱請雨者或以為尪非
巫也瘠病之人其面上向俗謂天哀其病
恐雨入其鼻故為之旱是以公欲焚之穡
儉也勸分有無相濟不害不傷害民

秋諸侯會宋公子孟子魚曰禍其在此乎君
欲已甚其何以堪之於是楚執宋公以伐宋
冬會于薄以釋之子魚曰禍猶未也未足以

春秋左傳

卷十三

僖公

三

管古婁

懲君懲直升反

未足懲君為二十二年戰泓傳

任宿須句顓臾風姓也實司大皞與有濟之
祀以服事諸夏邾人滅須句須句子來奔因
成風也成風為之言於公曰崇明祀保小寡
周禮也蠻夷猾夏周禍也若封須句是崇皞
濟而修祀紓禍也任音壬顓音專與羊朱反
大音泰皞胡老反濟子禮
反夏戶雅反得
于八反紓音舒

司主也大皞伏羲四國伏羲之後故主其
祀任今任城縣也顓臾在泰山南武陽縣
東北須句在東平須昌縣西北四國封近
於濟故世祀之服事諸夏謂與諸夏同服
王事須句成風家明祀大皞有濟之祀保
安也此邾滅須句而曰蠻夷昭二十三年
叔孫豹曰邾又夷也然則邾雖曹姓之國
迫近諸戎雜用夷禮故極言之猾夏亂諸

春秋左傳卷十三 僖公 三十三 齊古彙

夏紂解也為明年伐邾傳

春秋左傳註卷十三終

春秋左傳註卷第十四

僖二十二年
盡二十四年

晉 杜 預 註

經二十有二年春公伐邾取須句

須句雖別國而削弱不能自通為魯私屬
若顓臾之比魯謂之社稷之臣故滅奔及
反其君皆畧不備書惟書伐邾取須句

夏宋公衛侯許男滕子伐鄭

秋八月丁未及邾人戰于升陘

春秋左傳

卷十四

僖公

一

晉古婁

升陘魯地邾人縣公胃于魚門故深恥之不言公又不言師敗績

冬十有一月己巳朔宋公及楚人戰于泓宋師敗績

泓水名宋伐鄭楚救之故戰也楚告命不以主帥人數故畧稱人

傳二十二年春伐邾取須句反其君焉禮也得恤寡小之禮

三月鄭伯如楚

夏宋公伐鄭子魚曰所謂禍在此矣

怒鄭至楚故伐之為下泓戰起

初平王之東遷也辛有適伊川見被髮而祭於野者曰不及百年此其戎乎其禮先亡矣秋秦晉遷陸渾之戎于伊川

周幽王為犬戎所滅平王嗣位故東遷洛邑辛有周大夫伊川周地伊水也被髮而

祭有象夷狄允姓之戎居陸渾在秦晉西
北二國誘而徙之伊川遂從戎號至今為
陸渾縣也計此去辛有過百年而云不及
百年傳舉其事驗不必其年信

晉太子圉為質於秦將逃歸謂嬴氏曰與子
歸乎對曰子晉太子而辱於秦子之欲歸不
亦宜乎寡君之使婢子侍執巾櫛以固子也
從子而歸棄君命也不敢從亦不敢言遂逃

歸質音致櫛
歸側已反

嬴氏秦所妻子圉懷嬴也婢子婦人之卑
稱也傳終史蘇之占

富辰言於王曰請召大叔詩曰協比其鄰昏
姻孔云吾兄弟之不協焉能怨諸侯之不睦
王說王子帶自齊復歸于京師王召之也大音

泰比毗志反焉
於凌反說音悅

富辰周大夫大叔王子帶十二年奔齊詩

春秋左傳卷十四 僖公 三 信古妻

小雅言王者為政先和協近親則昏姻甚相歸附也鄰猶近也孔甚也云旋也傳終仲孫湫之言也為二十四年天王出居于

鄭起

邾人以須句故出師公卑邾不設備而禦之臧文仲曰國無小不可易也無備雖眾不可恃也詩曰戰戰兢兢如臨深淵如履薄冰又曰敬之敬之天惟顯思命不易哉先王之明

德猶無不難也無不懼也況我小國乎君其

無謂邾小蠶蠶有毒而況國乎弗聽八月丁

未公及邾師戰于升陘我師敗績邾人獲公

冑縣諸魚門禦魚呂反易以豉反蠶芳容反蠶救邁反縣音玄

卑小也詩小雅言常戒懼顯明也思猶辭

也周頌言有國宜敬戒天明臨下奉承其

命甚難冑兜盩魚門邾城門

楚人伐宋以救鄭宋公將戰大司馬固諫曰

左傳卷十四 信公 四 信公

天之棄商久矣君將與之弗可赦也已弗聽

大司馬固莊公之孫公孫固也言君與天

所棄必不可不加救楚勿與戰

冬十一月己巳朔宋公及楚人戰于泓宋人

既成列楚人未既濟司馬曰彼眾我寡及其

未既濟也請擊之公曰不可既濟而未成列

又以告公曰未可既陳而後擊之宋師敗績

公傷股門官殲焉國人皆咎公公曰君子不

重傷不禽二毛古之為軍也不以阻隘也寡

人雖亡國之餘不鼓不成列子魚曰君未知

戰勅敵之人隘而不列天贊我也阻而鼓之

不亦可乎猶有懼焉且今之勅者皆吾敵也

雖及胡者獲則取之何有於二毛明恥教戰

求殺敵也傷未及死如何勿重若愛重傷則

如勿傷愛其二毛則如服焉三軍以利用也

金鼓以聲氣也利而用之阻隘可也聲盛致

左傳

志鼓儵可也

陳去聲儵子廉反隘於責反勃其京反儵仕銜反

楚未既濟未盡渡泓水司馬子魚也門官守門者師行則在君左右殲盡也二毛頭白有二色軍不以阻隘不因阻隘以求勝亡國之餘明宋商紂之後不鼓不成列恥以詐勝勃強也言楚在險隘不得陳列天所以佐宋鼓之猶有懼言雖因阻擊之猶恐不勝今之勃者謂與吾競者胡考元老

之稱明恥教戰謂明設刑戮以恥不果如何勿重言尚能害已如勿傷如服焉言苟不欲傷殺敵人則本可不須鬪三軍固為利興鼓以佐士眾之聲氣儵嚴未整陳

丙子晨鄭文夫人芊氏姜氏勞楚子於柯澤楚子使師緝示之俘馘君子曰非禮也婦人送迎不出門見兄弟不踰闕戎事不邇女器丁丑楚子人饗于鄭九獻庭實旅百加邊豆

六品饗畢夜出文芊送于軍取鄭二姬以歸
叔詹曰楚王其不沒乎為禮卒於無別無別
不可謂禮將何以沒諸侯是以知其不遂霸

也芊彌爾反勞力報反柯音哥緡音晉俘芳
扶反馘古獲反闕音域詹章廉反沒門忽
反卒子

恤反

楚子還過鄭鄭文公夫人芊氏楚女姜氏
齊女也柯澤鄭地師緡楚樂師也俘所得
囚馘所截耳闕門限邇近也器物也言俘

馘非近婦人之物入饗于鄭為鄭所饗九
獻用上公之禮九獻酒而禮畢庭中所陳
品數百也食物六品加於籩豆籩豆禮食
器二姬文芊女也不沒謂不以壽終將何
以沒言楚子所以師敗城濮終為商臣所

弑

經二十有三年春齊侯伐宋圍緡緡亡
巾反

緡宋邑高平昌邑縣東南有東緡城

春秋左傳卷十四 僖公 七 晉古婁

夏五月庚寅宋公茲父卒

三同盟

秋楚人伐陳

冬十有一月杞子卒

傳例曰不書名未同盟也杞人春秋稱侯

莊二十七年絀稱伯至此用夷禮貶稱子

傳二十三年春齊侯伐宋圍緡以討其不與

盟于齊也

與音預

十九年盟于齊以無忘桓公之德而宋獨

不會復召齊人共盟鹿上故今討之

夏五月宋襄公卒傷於泓故也

終子魚之言得死為幸

秋楚成得臣帥師伐陳討其貳於宋也遂取

焦夷城頓而還子文以為之功使為令尹叔

伯曰子若國何對曰吾以靖國也夫有大功

而無貴仕其人能靖者與有幾

焦子消反靖音靜與音餘

春秋左傳

卷十四

僖公

八

晉古婁

春秋

幾居
宜反

和
木

成得臣子玉也焦今譙縣也夷一名城父
今譙郡城父縣二地皆陳邑頓國今汝陰
南頓縣叔伯楚大夫遠呂臣也以爲子玉
不任令尹貴仕貴位能靖有幾言必矜功
爲亂不可不賞

九月晉惠公卒懷公命無從亡人期期而不
至無赦狐突之子毛及偃從重耳在秦弗召

冬懷公執狐突曰子來則免對曰子之能仕
父教之忠古之制也策名委質貳乃辟也今
臣之子名在重耳有年數矣若又召之教之
貳也父教子貳何以事君刑之不濫君之明
也臣之願也淫刑以逞誰則無罪臣聞命矣
乃殺之卜偃稱疾不出曰周書有之乃大明
服己則不明而殺人以逞不亦難乎民不見
德而唯戮是聞其何後之有

期下音基從才
用反辟婢亦反

春秋左傳

卷十四

僖公

九

晉古婁

違救
景反

惠公卒經在明年從赴懷公子圍亡人重耳偃子犯也懷公未期而執突以不召子故策名名書於所臣之策屈膝而君事之則不可以貳辟罪也周書康誥言君能大明則民服何後之有言懷公必無後於晉為二十四年殺懷公張本

十一月杞成公卒書曰子杞夷也不書名未

同盟也凡諸侯同盟死則赴以名禮也赴以名則亦書之不然則否辟不敏也

成公始行夷禮以終其身故於卒貶之杞實稱伯仲尼以文貶稱子故傳言書曰子以明之未同盟不書名隱七年已見今重發不書名者疑降爵故也此凡又為國史承告而書例赴以名則亦書謂未同盟不然則否謂同盟而不以名告敏猶審也同

春秋左傳

卷十四

僖公

十

魯左傳

盟然後告名赴者之禮也承赴然後書策史官之制也內外之宜不同故傳重詳其

義

晉公子重耳之及於難也晉人伐諸蒲城蒲城人欲戰重耳不可曰保君父之命而享其生祿於是乎得人有人而校罪莫大焉吾其奔也遂奔狄從者狐偃趙衰顛頡魏武子司空季子狄人伐廡咎如獲其二女叔隗季隗

納諸公子公子取季隗生伯鯨叔劉以叔隗妻趙衰生盾將適齊謂季隗曰待我二十五年不來而後嫁對曰我二十五年矣又如是而嫁則就木焉請待子處狄十二年而行過衛衛文公不禮焉出於五鹿乞食於野人野人與之塊公子怒欲鞭之子犯曰天賜也稽首受而載之及齊齊桓公妻之有馬二十乘公子安之從者以為不可將行謀於桑下蠶

春和
妾在其上以告姜氏姜氏殺之而謂公子曰
子有四方之志其聞之者吾殺之矣公子曰
無之姜曰行也懷與安實敗名公子不可姜
與子犯謀醉而遣之醒以戈逐子犯及曹曹
共公聞其駢脅欲觀其裸浴薄而觀之僖負
羈之妻曰吾觀晉公子之從者皆足以相國
若以相夫子必反其國反其國必得志於諸
侯得志於諸侯而誅無禮曹其首也子盍蚤

自貳焉乃饋盤飧寘璧焉公子受飧反璧及
宋宋襄公贈之以馬二十乘及鄭鄭文公亦
不禮焉叔詹諫曰臣聞天之所啓人弗及也
晉公子有三焉天其或者將建諸君其禮焉
男女同姓其生不蕃晉公子姬出也而至于
今一也離外之患而天不靖晉國始將啓之
二也有三士足以上人而從之三也晉鄭同
濟其過子弟固將禮焉況天之所啓乎弗聽

春秋

左傳

卷十四

僖公

十三

晉左史

及楚楚子饗之曰公子若反晉國則何以報
不穀對曰子女玉帛則君有之羽毛齒革則
君地生焉其波及晉國者君之餘也其何以
報君曰雖然何以報我對曰若以君之靈得
反晉國晉楚治兵過於中原其辟君三舍若
不獲命其左執鞭弭右屬櫜鞬以與君周旋
子玉請殺之楚子曰晉公子廣而儉文而有
禮其從者肅而寬忠而能力晉侯無親外內

惡之吾聞姬姓唐叔之後其後衰者也其將
由晉公子乎天將興之誰能廢之違天必有
大咎乃送諸秦秦伯納女五人懷嬴與焉奉
匜沃盥既而揮之怒曰秦晉匹也何以卑我
公子懼降服而囚他日公享之子犯曰吾不
如衰之文也請使衰從公子賦河水公賦六
月趙衰曰重耳拜賜公子降拜稽首公降一
級而辭焉衰曰君稱所以佐天子者命重耳

季子

重耳敢不拜

重直龍反難乃且反校音教哀初危反韻戶結反腐在良反咎

古刀反儵直由反妻七計反盾徒本反塊苦對反乘繩證反敗必邁反醒星頭反其音恭駢薄賢反脅許業反裸力果反洛音欲鞞紀宜反相息亮反蓋戶臘反蚤音早饋其貴反煥音孫寘之鼓反蕃音頻饒上皆反過古禾反彈莫爾反屬音燭蒙古刀反韃九言反惡烏路反與焉音預奉芳勇反匯以支反鹽古緩反

伐蒲城事在五年享受也保猶恃也得人

謂以祿致眾校報也衰趙夙弟武子魏犢

季子胥臣曰季也時狐毛賈佗皆從而獨

舉此五人賢而有大功膺咎如赤狄之別

種也隗姓盾趙宣子就木言將死入木不

復成嫁詩十二三而行以五年奔狄至十

六年而六五鹿衛地今衛縣西北有地名

五鹿陽平元城縣東亦有五鹿子犯以得

土有國之祥故以為天賜馬二十乘四馬

為乘八十匹也謀于桑下以齊桓既卒知

孝公不可恃故姜氏重耳妻恐孝公怒其

春秋左傳

卷十四

僖公

十四

晉書

去故殺妾以滅口以戈逐子犯因無去志
故怒薄迫也駢脅合幹若以相若遂以爲
傅相自貳自別異於曹盤餗寘璧以臣無
竟外之交故用盤藏璧餗中不欲令人見
贈送也啓開也蕃息也公子犬戎狐姬之
子故曰姬出離外之患謂出奔在外有三
士國語狐偃趙衰賈佗三人皆卿才儕等
也辟三舍若不獲命言三退不得楚止命

也弭弓末無緣者囊以受箭韃以受弓屬
著也周旋相追逐也請殺之畏其志大廣
而儉謂志廣而體儉肅敬也晉侯惠公也
懷嬴子圉妻子圉諡懷公故號爲懷嬴匝
沃盥器也揮漚也匹敵也降服而囚去上
服自拘囚以謝之衰之文有文辭也河水
逸詩義取河水朝宗于海海喻秦六月詩
小雅道尹吉甫佐宣王征伐喻公子還晉

春秋

卷十四

必能匡王國古者禮會因古詩以見意欲
言賦詩斷章也其全稱詩篇者多取首章
之義他皆放此公降一級辭下階一級辭
公子稽首詩首章言匡王國次章言佐天
子故趙衰因通言之為明年秦伯納之張
本

經二十有四年春王正月

夏狄伐鄭

秋七月

冬天王出居于鄭

襄王也天子以天下為家故所在稱居天
子無外而書出者譏王蔽於匹夫之孝不
顧天下之重因其辟母弟之難書出言其
自絕於周

晉侯夷吾卒

文公定位而後告未同盟而赴以名

春秋

左傳

卷十四

僖公

十六

晉古樓

傳二十四年春王正月秦伯納之不書不告
入也及河子犯以璧授公子曰臣負羈紲從
君巡於天下臣之罪甚多矣臣猶知之而況
君乎請由此亡公子曰所不與舅氏同心者
有如白水投其璧于河濟河圍令狐入桑泉
取曰衰二月甲午晉師軍于廬柳秦伯使公
子繫如晉師師退軍于郇辛丑狐偃及秦晉
之大夫盟于郇壬寅公子入於晉師丙午入

于曲沃丁未朝于武宮戊申使殺懷公子高
梁不書亦不告也呂卻畏偃將焚公宮而弑
晉侯寺人披請見公使讓之且辭焉曰蒲城
之役君命一宿女即至其後余從狄君以田
渭濱女爲惠公來求殺余命女三宿女中宿
至雖有君命何其速也夫祛猶在女其行乎
對曰臣謂君之入也其知之矣若猶未也又
將及難君命無二古之制也除君之惡唯力

是視蒲人狄人余何有焉今君即位其無蒲
狄乎齊桓公置射鉤而使管仲相君若易之
何辱命焉行者甚眾豈唯刑臣公見之以難
告三月晉侯潛會秦伯于王城己丑晦公宮
火瑕甥卻芮不獲公乃如河上秦伯誘而殺
之晉侯逆夫人嬴氏以歸秦伯送衛於晉三
千人實紀綱之僕用反紀宜反綱息列反從才
廬力居反柳力久反繫張立反郇音旬偏音
逼披普皮反請見賢逼反消音謂祛起魚反

射食亦反

納之納重耳也羈馬羈總馬繮子犯重耳
舅也言與舅氏同心之明如此白水猶詩
言謂予不信有如皦日投璧欲質信於河
桑泉在河東解縣西解縣東南有曰城軍
于廬柳懷公遣軍距重耳郇解縣西北有
郇城武宮文公之祖武公廟懷公奔高粱
高粱在平陽楊縣西南再發不告者言外

春秋左傳卷十四 僖公 十六 稽古樓

諸侯入及見殺亦皆須告乃書于策呂甥
卻芮惠公舊臣故畏爲文公所偏害寺人
請見公辭不見蒲城之役在五年汝卽至
謂卽日至田謂田獵夫祛猶在披所斬文
公衣袂也入其知之謂知君人之道余何
有焉言當二君世君爲蒲狄之人於我有
何義射鉤乾時之役管仲射桓公中帶鉤
君若易之何辱命焉言若反齊桓已將自

去不須辱君命披掩人故稱刑臣以難告
告呂卻欲焚公宮嬴氏秦穆公女文嬴也
紀綱之僕謂新有呂卻之難國未輯睦故
以兵衛文公諸門戶僕隸之事皆秦卒其
之爲之紀綱

初晉侯之豎頭須守藏者也其出也竊藏以
逃盡用以求納之及入求見公辭焉以沐謂
僕人曰沐則心覆心覆則圖反宜吾不得見

看利

利一

也居者為社稷之守行者為羈絆之僕其亦可也何必罪居者國君而讎匹夫懼者甚眾矣僕人以告公遽見之豎上註反藏才浪反盡津忍反求見賢遍

反覆芳服反

頭須一日里鳧須豎左右小吏竊藏指文

公出時求納謂求納文公公遽見之言棄

小怨所以能安眾

狄人歸季隗于晉而請其二子文公妻趙衰

生原同屏括摟嬰趙姬請逆盾與其母子餘辭姬曰得寵而忘舊何以使人必逆之固請許之來以盾為之固請于公以為嫡子而使其三子下之以叔隗為內子而已下之妻七計反

屏步平反所音活反嫡丁歷反

二子伯儵叔劉原屏摟三子之邑趙姬文

公女也盾狄女叔隗之子子餘趙衰字卿

之嫡妻為內子皆非此年事蓋因狄人歸

春秋左傳卷十四 僖公 二十 晉亡

子不

季隗遂終言叔隗

和古本

晉侯賞從亡者介之推不言祿祿亦弗及推
 曰獻公之子九人唯君在矣患懷無親外內
 棄之天未絕晉必將有主主晉祀者非君而
 誰天實置之而二三子以為己力不亦誣乎
 竊人之財猶謂之盜況貪天之功以為己力
 乎下義其罪上賞其姦上下相蒙難與處矣
 其母曰盍亦求之以死誰對曰尤而效之

罪又甚焉且出怨言不食其食其母曰亦使
 知之若何對曰言身之文也身將隱焉用文
 之是求顯也其母曰能如是乎與女偕隱遂
 隱而死晉侯求之不獲以綿上為之田曰以
 志吾過且旌善人

從才用反盍戶臘反對直類反焉於虔反女音汝

介推文公微臣之語助蒙欺也怨言謂上
 下相蒙難與處亦使知之為既不求之且

欲令推達言於文公偕俱也旌表也西河

春秋左傳

卷十四

僖公

三

稽古樓

界休縣南有地名綿上

鄭之入滑也滑人聽命師還又卽衛鄭公子士洩堵俞彌帥師伐滑王使伯服游孫伯如鄭請滑鄭伯怨惠王之入而不與厲公爵也又怨襄王之與衛滑也故不聽王命而執二子王怒將以狄伐鄭富辰諫曰不可臣聞之大上以德撫民其次親親以相及也昔周公弔二叔之不咸故封建親戚以蕃屏周管蔡

邢霍魯衛毛聃邴雍曹滕畢原鄆郇文之昭也邗晉應韓武之穆也凡蔣邢茅胙祭周公之胤也召穆公思周德之不類故糾合宗族于成周而作詩曰常棣之華鄂不韡韡凡今之人莫如兄弟其四章曰兄弟鬩于牆外禦其侮如是則兄弟雖有小忿不廢懿親今天子不忍小忿以棄鄭親其若之何庸勲親親昵近尊賢德之大者也卽聾從昧與頑用監

姦之大者也棄德崇姦禍之大者也鄭有平
惠之勲又有厲官之親棄嬖寵而用三良於
諸姬為近四德具矣耳不聽五聲之和為聾
目不別五色之章為昧心不則德義之經為
頑口不道忠信之言為嚚狄皆則之四姦具
矣周之有懿德也猶曰莫如兄弟故封建之
其懷柔天下也猶懼有外侮扞禦侮者莫如
親親故以親屏周召穆公亦云今周德既衰

於是乎又渝周召以從諸姦無乃不可乎民

未忘禍王又興之其若文武何王弗聽使頽

叔桃子出狄師鄭音成聃乃日反雍於用反

界反召上照反棧六計反鄂五各反韓常鬼

反閱呼歷反睪女乙反聾鹿工反嚚魚巾反

渝羊朱反入滑在二十一年堵俞彌鄭大夫伯服游

孫伯二子周大夫怨惠王之入事在莊二

十一年又怨襄王怨王助衛為滑請以德

春秋左傳卷十四 僖公 三 稽古樓

撫民無親疏也親親以相及謂先親以及
疏推恩以行義弔傷也咸同也周公傷夏
殷之叔世疏其親戚以至滅亡故廣封其
兄弟管蔡至鄆郇十六國皆文王子也管
國在滎陽京縣東北雍國在河內山陽縣
西畢國在長安縣西北鄆國在始平鄆縣
東邠晉應韓四國皆武王子應國在襄陽
城父縣西韓國在河東郡界河內野王縣

西北有邠城胤嗣也蔣在戈陽期思縣高
平昌邑縣西有茅鄉東郡燕縣西南有胙
亭類善也糾收也召穆公周卿士名虎召
采地扶風雍縣東南有召亭周厲王之時
周德衰微兄弟道缺召穆公于東都收會
宗族特作此周公之樂歌常棣詩屬小雅
常棣棣也鄂鄂然華外發不韡韡言韡韡
以喻兄弟和睦則強盛而有光輝韡韡然

莫如兄弟言致韓韓之盛莫如親兄弟鬩
訟爭貌言內雖不和猶宜外扞異族之侵
侮懿美也庸用也瞻親也崇聚也平惠之
勲謂平王東遷晉鄭是依惠王出奔虢鄭
納之是其勲也厲宣之親鄭始封之祖桓
公友周厲王之子宣王之母弟棄嬖寵七
年殺嬖臣申侯十六年殺寵子子華也三
良叔詹堵叔師叔所謂尊賢諸姬爲近言

道近當瞻之事當周公時故言周之有懿
德周公作詩召公歌之故言亦云淪周召
言變周召親兄弟之道前有子頽之亂中
有叔帶召狄故曰民未忘禍其若文武何
言將廢文武之功業頽桃二子周大夫

夏狄伐鄭取櫟王德狄人將以其女爲后富
辰諫曰不可臣聞之曰報者倦矣施者未厭
狄固貪恠王又啓之女德無極婦怨無終狄

春秋
必為惠王又弗聽初甘昭公有寵於惠后惠后將立之未及而卒昭公奔齊王復之又通于隗氏王瞽隗氏頽叔桃子曰我實使狄狄其怨我遂奉大叔以狄師攻王王御士將禦之王曰先后其謂我何寧使諸侯圖之王遂出及坎欲國人納之秋頽叔桃子奉大叔以狄師伐周大敗周師獲周公忌父原伯毛伯富辰王出適鄭處於汜大叔以隗氏居于溫

後音狄厭於鹽反憚力南反欲大感反汜音凡

施功勞也有勞則望報過甚女德無極婦怨無終謂婦女之志近之則不知止足遠之則忿怨無已終猶已也甘昭公王子帶也食邑於甘河南縣西南有甘水奔齊在十二年王復之在二十二年隗氏王所立狄后瞽廢也王御士周禮王之御士十二人先后惠后也其謂我何言誅大叔恐違

春秋左傳卷十四 僖公 三十一 魯古婁

先后志坎欲周地在河南鞏縣東原毛皆采邑汜鄭南汜也在襄城縣南

鄭子華之弟子臧出奔宋好聚鵠冠鄭伯聞而惡之使盜誘之八月盜殺之于陳宋之聞君子曰服之不衷身之災也詩曰彼已之子不稱其服子臧之服不稱也夫詩曰自詒伊感其子臧之謂矣夏書曰地平天成稱也報反鵠尹橋反已音記稱尺證反

子臧奔宋以十六年殺子華故鵠鳥名聚鵠羽以為冠非法之服惡之惡其服非法衷猶適也詩曹風刺小人在位言彼人之德不稱其服詩小雅詒遺也感憂也取其自遺憂夏書逸書地平其化天成其施上下相稱為宜

宋及楚平宋成公如楚還入於鄭鄭伯將享之問禮於皇武子對曰宋先代之後也於周

春秋
為客天子有事膳焉有喪拜焉豐厚可也鄭伯從之享宋公有加禮也

皇武子鄭卿有事祭宗廟也膳祭肉尊之故賜以祭胙喪拜謂宋弔周喪王特拜謝之享有加禮禮物事事加厚善鄭能尊先

代

冬王使來告難曰不穀不德得罪于母弟之寵子帶鄙在鄭地汜敢告叔父臧文仲對曰

天子蒙塵于外敢不奔問官守王使簡師父告于晉使左鄆父告于秦天子無出書曰天王出居于鄭辟母弟之難也天子凶服降名禮也

守于又反
鄆於晚反

鄙野也天子謂同姓諸侯曰叔父官守王之羣臣師父鄆父二子周大夫母弟謂叔帶襄王同母弟凶服素服降名稱不穀

鄭伯與孔將鉏石甲父侯宣多省視官具于

春秋左傳

卷十四

僖公

二十

晉古樓

汜而後聽其私政禮也

鉏仕居反

將鉏等三子鄭大夫省官司具器用禮謂

得先君後己之禮

衛人將伐邾禮至曰不得其守國不可得也

我請兄弟仕焉乃往得仕

禮至衛大夫守謂邾政卿國子為明年滅

邾傳

春秋左傳註卷十四終

